

大寶積經卷第九十九

制九

元魏北天竺三藏佛陀扇多譯

無畏德菩薩會第三十二

如是我聞一時婆伽婆住王舍大城耆闍崛  
山中與五百比丘衆俱菩薩摩訶薩無量無  
邊復有八千菩薩摩訶薩而爲上首皆得三

昧及陀羅尼善入空無相無願三解脫門善  
巧諸通得無生法忍所謂彌樓菩薩大彌樓  
菩薩常入定菩薩常精進菩薩寶手菩薩常  
喜根菩薩跋陀波羅菩薩寶相菩薩羅睺菩  
薩釋天菩薩水天菩薩上意菩薩勝意菩薩  
增上意菩薩摩訶薩八千人等而爲上首尔  
時婆伽婆依王舍城住若王王子諸婆羅門  
長者居士尊重讚歎而供養佛尔時世尊具  
有無量百千萬衆恭敬圍遶而爲說法尔時  
尊者舍利弗尊者大目犍連尊者大迦葉尊  
者須菩提尊者富樓那彌多羅尼子尊者離  
波多尊者阿濕卑尊者優波離尊者羅睺羅

尊者阿難如是等無量聲聞於其晨朝整衣  
持鉢入王舍城從家至家如法乞食更無餘  
緣時諸聲聞如是乞食漸漸遂到阿闍世王  
所住宮殿至王所已却立一面嘿然而住不  
言乞食及不乞食尔時阿闍世王有女名無  
畏德端正無比無匹無雙無竝無類成就最  
勝殊妙功德年始十二在其父王堂閣之上  
著金寶履彼處而坐時無畏德見諸聲聞不  
起不迎嘿然而住不共問答不迎不禮不讓  
牀座阿闍世王見無畏德嘿然而住即告之  
言汝豈不知此等皆是釋迦如來上足弟子  
成就大法也世間福田耶以爲愍念諸衆生  
故而作乞食汝今既見何故不起不迎不禮  
不共相問復不讓坐汝今見覩見何事故而  
不起迎尔時無畏德白父王言不審大王頗  
見頗聞轉輪聖王見諸小王而起迎不王言  
不也復言大王頗見頗聞師子獸王見野干  
時爲起迎不王言不也復言大王頗見頗聞

帝釋天王迎餘天不大梵天王有曾禮敬餘天衆不王言不也復言大王頗見頗聞大海之神禮敬江河池等神不王言不也復言大王頗見頗聞須彌山王禮敬諸餘小山王不王言不也復言大王頗見頗聞日月光神有曾禮敬螢火蟲不王言不也女言大王如是

制九

二

菩薩發心趣向阿耨多羅三藐三菩提轉輪聖王以大慈悲初發心已云何禮敬離大慈悲小乘聲聞大王頗有已求無上正真正覺之道師子獸王而禮小乘野干人耶大王頗有已求大梵道處而發進者而當親近微少善根聲聞人耶大王頗有欲到大智之海欲求善知大法之聚而求牛跡聲聞人耶以彼從他聞音聲故大王頗有欲至佛須彌山爲求如來無邊色身而欲更求小芥子中空三昧力諸聲聞人而禮敬耶大王頗有得聞諸佛如來功德智慧如日月光如是聞已方乃禮敬諸聲聞人螢火蟲耶以諸聲聞唯能自

潤自照從他聞聲而得解故大王佛入涅槃尚不禮敬諸聲聞人何況今者世尊在世何以故大王若有親近聲聞人者是人即發聲聞之心若人親近緣覺人者是人即發緣覺之心若有親近正真正覺即發阿耨多羅三藐三菩提心無畏德女如是說已以偈報父

阿闍世言

譬如人至海所行亦如是而起狹劣心出入無障礙

敬心近輪王

而取一文錢我見諸聲聞至大法海已捨大乘寶聚修行小乘道如人親近王從王乞一錢被人徒親王從乞百千財潤無量貧窮

三

是名善親王不求真解脫自度不度他譬如大醫王得恭敬名稱

如人求一錢聲聞亦如是而取小涅槃若起狹劣心猶如小醫師唯自治己身療治衆多人善起慈悲心彼醫得世利以達醫方故智者不恭敬如善巧醫王

通達衆方已  
彼醫得世間  
普治煩惱病  
聲聞如毗麻  
多衆得利益  
不以秋陽炎  
能潤無量衆  
不能滅衆生  
而現金色身  
大王諸菩薩  
世間得解脫  
聲聞智不余  
以不證法故  
聲聞如花露  
如海之潤勢  
男女所不樂  
花香甚奇妙  
猶如薺葛花  
諸菩薩亦余  
如地多增長  
菩薩如大雨  
猶如躡躅花  
唯喜薺葛花  
躡躅如聲聞  
潤益無量衆  
親近得大法  
無比微妙香  
如求青蓮花  
彼智不潤衆  
大王毗麻林  
不救世發心  
諸菩薩亦余  
能竭諸小水  
聲聞道狹劣  
所有諸煩惱  
唯昇須彌山  
亦如須彌山  
皆是一色身  
其猶如朝露  
悉見金色身  
猶如牛蹄跡  
非上諸小山  
以彼住世故  
一切智具足  
不能潤於世  
諸菩薩亦余  
能益一切衆  
如至樹王所  
能益一切衆  
花香影不妙  
病苦諸衆生  
發菩提心者

能化衆生衆  
一人在曠野  
度無量衆生  
世間曠野中  
諸菩薩亦尓  
唯乘彼大船  
菩薩如大舶  
大王頗曾見  
聞戰便得勝  
降魔坐道樹  
見諸星不現  
聲聞如星宿  
示現涅槃道  
日光照闇浮  
不能多利益  
不以野干聲  
一吼飛鳥落  
不爲益衆生

大王頗曾知  
如利多人是  
應發菩提心  
能濟失道衆  
能度無量衆  
大王頗曾知  
修道法熏尸  
乘驢堪入陣  
聲聞如驢乘  
度無量衆生  
滿月顯現故  
菩薩如滿月  
不以螢火光  
今作種種事  
佛具解脫光  
能令獸王恐  
大王諸聲聞  
除一切煩惱

何者大奇特  
若欲善安隱  
勿取二乘道  
如彼善導師  
小棖度大海  
大王聲聞棖  
今度飢渴海  
唯見乘象馬  
菩薩如龍象  
猶如夜虛空  
能照闇浮提  
愍念衆生故  
能令有所作  
聲聞如螢火  
愍念一切衆  
唯有師子王  
不發菩提心  
大王見此故

不發聲聞心 既發大心已 云何得發小  
 大王善得身 能發無上心 救拔一切衆  
 舍捨小乘道 善得世間身 復得世間利  
 善來在世間 而發無上心 希求無上道  
 救拔諸衆生 若能自他利 彼人善可嘆  
 亦得世名稱 及得究竟道 以是故我今

## 不禮敬聲聞

余時阿闍世王語無畏德女言女大我慢云  
 何而見諸大聲聞而不奉迎女言大王勿作  
 此說大王亦慢云何不迎王舍城內諸貧窮  
 者王語女言彼非我類我云何迎女言大王  
 初心菩薩亦復如是一切聲聞緣覺非類王  
 語女言汝豈不見諸菩薩等皆悉禮敬一切  
 衆生女言大王菩薩爲度憍慢瞋惱諸衆生  
 等令彼得起迴向之心是故禮敬一切衆生  
 為長衆生諸善根本是故菩薩禮敬衆生而  
 諸聲聞無瞋恨心又復不能增長善根大王  
 假使百千諸佛如來爲說妙法而彼所得戒

定三昧無有增益大王聲聞如琉璃菩薩如  
 寶器大王譬如瓶滿天降雨時而不受一滴  
 如是大王諸聲聞等假使百千諸佛如來爲  
 說妙法而無受潤不能增益戒定慧等亦不  
 能令衆生發心至一切智大王譬如大海能  
 受諸河及雲雨等何以故以大海是無量器  
 故大王諸大菩薩摩訶薩等演說法時隨所  
 聞者得大福利增長一切諸善根本何以故  
 以諸菩薩皆是無邊言說器故余時阿闍世  
 王聞女語已嘿然而住余時尊者舍利弗作  
 如是念此無畏德女得大辯才而能如是無  
 盡言說我於今者前至其所少少問之我且  
 問之女得忍不作是念已前問女言汝今爲  
 住聲聞乘耶答言不也汝今爲住緣覺乘耶  
 答言不也汝今爲住大乘心也答言不也舍  
 利弗言若如是者爲住何乘而能如是師子  
 吼耶女答尊者舍利弗言若使我今有所住  
 者則不能作師子吼也我無所住是故我能

作師子吼而舍利弗作如是言爲住何乘如舍利弗所證得法彼法豈有乘分別耶此是聲聞緣覺之乘至大乘耶舍利弗言汝聽我說我所證法無乘非乘差別之相以一相故所謂無相無畏女言尊者舍利弗若法無相云何可求舍利弗言無畏德女諸佛之法與

凡夫法有何勝負差別之相女語尊者舍利弗言空與寂靜有何差別舍利弗言無差別也無畏德言舍利弗如空寂靜無有差別勝負之相諸佛之法與凡夫法無有勝負差別之相又舍利弗亦如虛空能受諸色而無差別諸佛之法與凡夫法無有差別亦無異相

尔時尊者大目犍連語無畏德女言汝見佛法與聲聞法有何差別而見如是諸大聲聞不起奉迎不與酬對不讓床坐無畏德女答目連言假使星宿遍滿三千不能照了聲聞亦余以入定智而能照知若不入定則不覺知大目連言若不入定則不能知衆生之心

女言目連佛不入定而於恒河沙等世界如應說法度諸衆生善知心故何況微少星宿光明諸聲聞耶此是諸佛如來勝事又大目連一切聲聞頗有能知幾世界成幾世界壞大目連言不能知也女言目連聲聞頗知幾數諸佛已入涅槃幾數諸佛未來當入幾數諸佛現在今入目連答言不能知也女言目連聲聞頗知幾數衆生多貪欲者幾數衆生多瞋恚者幾數衆生多愚癡者幾數衆生等分行者目連答言不能知也女言目連聲聞頗知幾數衆生受聲聞乘幾數衆生受緣覺乘幾數衆生受於佛乘目連答言不能知也

之事非諸聲聞緣覺境界況餘衆生目連當知此是如來殊勝之事如來具得一切智故一切聲聞緣覺所無時無畏女復語尊者大目連言世尊常記大目犍連於神通中最爲第一目連神通能知能至香象世界知彼世界一切諸樹皆出上妙栴檀香不目連答言

制九

七

今始得聞彼世界名云何能往至彼世界目連問女彼佛何名而在彼處世界說法女即答言彼佛號曰放香光明如來應正遍知在彼說法目連語女今者云何得見彼佛時無畏女不起于座不動威儀而作誓願若使菩薩初發心時能過一切聲聞緣覺以此誓願

而彼上妙栴檀之香遍此三千大千世界時無畏女語目連言若見如是不可思議諸勝功德而能發起狹劣小乘聲聞之心唯自度者當知善根甚爲微少誰見成就無量功德菩薩之事而不發於菩提之心目連頗知彼佛世界去此幾何答言不知女言目連乘諸神通經百千劫能知能見彼佛世界無有是處譬如一切竹葦叢林不可算數遇如是等諸佛世界方乃有彼香象世界余時彼佛卷攝光明旣攝光已香象世界及彼如來忽然光以放光故時諸聲聞皆得見彼香象世界及佛菩薩諸衆圍遼羅網隱身爲衆說法彼所說法此處悉聞佛神力故復得覩彼諸樹

言大迦葉如來可見不如佛所說若以色見我及以聲求我彼盡行邪道不能見如來以諸如來體即是法身佛法非可見聞云何可知見隨何方便衆生樂者佛則示現無障礙身住方便故然大迦葉謂我言曰見彼世界及見彼佛等正覺不我見彼佛非肉眼見以

制九

非肉眼所覩色故非天眼見以無受故非慧眼見以離相故非法眼見離諸行故非佛眼見離識覩故大迦葉我見如來亦如尊者迦葉所見以滅無明愛見心故大迦葉我見彼佛亦如尊者迦葉所見又復亦見我我所等迦葉言女若法求無云何而起無明及愛及

葉諸法永無不可示現是故大迦葉一切法皆無若法本無云何可見彼清淨法界大迦葉若欲見淨如來彼善男子善女人應淨自心時大迦葉語無畏言云何善淨自心女言大迦葉如自身真如及一切法真如若信彼者不作不失如是見自心清淨故迦葉問言

自心以何爲體女言空爲體若證彼空信自身故即信真如空以一切法性寂靜故尔時尊者大迦葉語無畏女言汝從何佛聞如是法而得正見如佛所說發正見者有二因緣從他聞法及內思惟女言大迦葉藉彼外聲聞外聲故後內思惟大迦葉菩薩大士不假

制九

他說不假音聲云何而言住於寂滅迦葉言是一切諸法永無彼云何見大迦葉言若一切佛法畢竟是無云何可見女言大迦葉見諸佛法增長義不大迦葉言我尚不知諸凡夫法何況佛法無畏女言是故尊者大迦葉彼法不成就云何有斷續而不證者見大迦

故一切法現在真如體故若是觀者是菩薩名爲成就內觀應知迦葉言汝云何安此諸法女言大迦葉如是應作如彼真如見無縛無解大迦葉言云何而見名曰正見女言大迦葉若離二邊見故不作非不作如是見而不見是名正見大迦葉法者唯有名字而離名字故以求不證故時大迦葉復問女言云何得自見無畏女言如尊者大迦葉所見大迦葉言我不見自身及見我所女語尊者大迦葉言應當如是見一切法以無我我所故說此法時尊者須菩提心大歡喜語無畏女言善得大利而能成就如是辯才時無畏女即語尊者須菩提言須菩提法有可得有不可得而可求耶而語我言善得辯才我有此辯若我說無有所覺知若內若外則有辯才時須菩提即語女言汝何所證何所得法而有如是快妙辯才女即答言不自知故不從他知所得善法及不善法差別之相如是知

法不見染淨有漏無漏有爲無爲世間出世間及凡夫法以不見故以彼法體是佛佛法而得佛法而不見佛須菩提若如是者無所覺見有此辯才須菩提言云何辯才女言須菩提如仁所得如是除滅女語尊者舍利弗言如彼法體無聞無得而有所說女語尊者須菩提言法體可住不復可增減不而能有此辯才時須菩提即語女言若證無漏及法無有差別及無辯說以彼法體不可說故女語尊者須菩提言於一切法云何而生如是念言善得其利得如是辯須菩提言汝以得辯故說爲不得故說女語尊者須菩提言信  
制九  
十

如佛說一切諸法如響不耶須菩提言我信此事女言影響爲有辯才無辯才耶須菩提言以內聲故而有外響女言須菩提以緣有聲而有彼響彼響爲有何性相耶然彼響聲無有性相何以故若以緣生彼無生義須菩提言一切法緣生無畏女言一切諸法體性

不生須菩提言若一切法體性如是畢竟無者云何如來作如是說恒河沙等諸佛當成正覺女言法界爲可生不須菩提言不可生也無畏女言諸佛如來一切皆是法界性相須菩提言不見一切諸法界也無畏女言諸有所說言語無漏而說恒河沙等諸佛當得

正覺此言何趣何以故法界不生不滅故一切說非說以畢竟淨故以彼非事不可言說離於實際須菩提言女甚奇哉既是在家而能如是善巧說法復有如是無盡辯才無畏女言須菩提菩薩無有取以不取聞以不聞若在家若出家而有辯才何以故以心淨故而今智顯以智顯故而顯辯才女語尊者須菩提言今可善說菩薩之行須菩提言汝說我聽無畏女言須菩提菩薩成就八種法行故不得言在家出家何等八法須菩提一者菩薩得身清淨定信菩提二者成就大慈大悲而不捨衆生三者成就大慈悲故善巧世

間一切諸事四者能捨身命分及成就方便善巧五者善巧無量發願六者成就般若波羅蜜行離一切見故七者大勇猛精進以修諸善業而無厭足故八者得無礙智以得無生法忍故須菩提菩薩成就如是八法故不得言在家出家隨何威儀住菩提中無有障

礙尔時尊者羅睺羅語無畏女言此言乃是不淨言說汝蹈寶筏復坐高牀而能如是共諸聲聞往復論義汝豈不聞爲不病者不得說法及不得爲高牀坐人而說法耶時無畏女即語尊者羅睺羅言頗如實知淨不淨耶尊者羅睺羅是世間淨不羅睺羅言無淨不淨無畏女言如來制戒隨而受行而犯彼戒爲淨不淨若復有人不犯彼戒非淨不淨無畏女言且止且止勿作是說若如說法若如制戒而修行者彼說不淨羅睺羅以彼證得無漏法故彼則無有犯以不犯彼亦無有淨與不淨何以故以諸聲聞過諸說法過諸制

戒如來爲諸聲聞學者來於三界爲彼故說而彼聲聞已過三界以是義故說過不過諸界如是以彼不能覺知戒故說淨不淨而虛空者唯有言說唯智力見是故得說淨不淨也羅睺羅言淨與不淨有何差別無畏女言譬如真金遠離諸垢作莊嚴具及不作者色何差別羅睺羅言無有差別無畏女言淨與不淨唯有名字以爲差別無餘差別何以故一切法性離一切垢無染無著女語尊者羅睺羅言坐高廣牀不應說法一切菩薩坐於草敷勝坐高牀勝於聲聞在於梵天羅睺羅言以何義故女言羅雲頗見菩薩坐於何座而得菩提羅睺羅言坐於草座女言菩薩坐於草座所有三千大千世界釋梵護世四天王等及餘天子乃至阿迦尼吒天等悉來禮拜合十指爪掌至菩薩所禮菩薩足羅睺羅言如是如是時無畏女問羅雲言成就如是法菩薩而坐草座勝於坐彼高廣大牀及勝

聲聞在於梵天尔時阿闍世王語無畏女言汝可不知此是釋迦如來之子於學戒中最作是說言羅睺羅是如來子大王頗見頗聞以不師子之王生野干不王言不見女言大王頗見頗聞轉輪聖王禮敬諸餘小王以不答言不見女言大王如是如來師子之王轉大法輪聲聞圍遼大王若依正法而說何者是爲如來真子則應答言諸菩薩是是故大王不得說言如來有子如來無子若說如來有真子者應言若發阿耨多羅三藐三菩提心者是如來真子說此法門時阿闍世王宮內二萬諸女發菩提心二萬天子滿足彼法聞此女師子吼已發菩提心王復語言此是過去未來現在諸佛之子離諸煩惱學聲聞戒云何真子尔時彼諸天子以花散佛遍王舍城以爲供養無畏女故時無畏女下彼牀已然後禮敬諸大聲聞而施種種微妙飲食

若舐若餽若唼如法供養彼諸聲聞供養已訖作如是言不審尊者諸大聲聞何故晨朝離如來所而來至此應聽法已然後乞食尊者且去我正余間須臾到彼無畏德女於晨朝時共阿闍世王并女之母及王舍城無量人衆導從圍遶至如來所禮如來足却坐一

制九

十三

面彼諸聲聞亦至佛所禮佛足已却坐一面余時尊者舍利弗白佛言世尊此無畏德女如是奇哉得大福利佛語尊者舍利弗言此無畏女已於過去九十億佛發菩提心於彼佛所種諸善根爲求無上佛菩提故舍利弗言世尊此女能轉女身不耶佛言舍利弗汝見彼女豈是女耶汝今不應作如是見何以故以是菩薩發願力故示現女身爲度衆生於是無畏德女作是誓言若一切法非男非女令我今者現丈夫身令一切大衆皆悉覩見說此語已即滅女身現丈夫身昇於虛空高七多羅樹住而不下余時世尊即語尊者

莊嚴蓮花所覆無有一切諸惡道名天人充滿舍利弗如兜率天受微妙樂及勝法味彼諸天子受如是樂余時無畏德菩薩母號曰月光與阿闍世王俱合十指爪掌往至佛所白言世尊我得大利我於九月懷娠此子然此善男子今作如是大師子吼我今迴此善根向阿耨多羅三藐三菩提過此已後於彼離垢光世界而成無上正真正覺於是佛告尊者舍利弗言舍利弗汝今見不答言已見佛言舍利弗此月光女捨是身已生忉利天號曰光明增上天子若彌勒菩薩得菩提時是彼見王上足之子於彼供養彌勒佛已便

即出家彼見王子於彌勒佛所說之法初中後說盡能憶持次第皆見賢劫諸佛悉得供養如是漸次供養佛已然後於彼離垢如來得菩提時得作大王具足七寶號曰持地彼見王子供養如是諸如來已亦乃得成阿耨多羅三藐三菩提號曰遍光如來應正遍知

制九

古

具足成就佛之世界如上所說余時月光夫人歡喜踊躍即脫價直百千兩金妙寶纓絡而供養佛語大王已受五百正戒具修梵行余時無畏德菩薩在如來前作如是言以此誓願因緣力故令我未來得菩提時諸菩薩亦皆被法服一切化生以此誓願因緣故願令如來猶如年少入胎比丘無畏德菩薩如是現身說此語已被正法服即成比丘具足威儀余時無畏德菩薩語自父王阿闍世言大王一切諸法皆如是即時忽化生相離諸分別所起之相無諸顛倒大王還即此時復現女身王見不也王言已見而我非以色身

相見我今現見比丘身已復見女身佛問王言何者是實大王應當作如是學住一切法中正見一切衆生煩惱所燒故以不達法力故以不達故於非疑處而生疑惑當應數數親近如來及文殊師利童子菩薩以彼菩薩威德力故而今大王得受悔過余時世尊告

阿難言汝受持此無畏德菩薩授記法門讀誦勿忘阿難若有善男子善女人等具足七寶施滿三千大千世界諸佛如來若復有人能受持此無畏德菩薩授記法門一句一偈聞已受持得福過彼何況具足若讀若誦廣爲人說如法修行如來說此無畏德菩薩授記法門時月光夫人無畏德母并諸天龍阿脩羅等聞佛說已皆大歡喜信受奉行

十五末

制九

大寶積經卷第九十九